

國朝詩人徵略

卷十四

番禺張維屏子樹輯

閻若璩

字百詩山西太原人諸生

古文尙書疏證閻若璩撰引經據古一一陳其矛

盾之故古文之僞乃大明

四庫提要

四書釋地閻若璩撰若璩博極羣書又精於考證

百年以來自顧炎武以外罕能與之抗衡者上

潛邱劄記閻若璩撰援據精博與顧炎武日知錄

方輿並騫未決誰先

四庫簡明目錄

先生少口吃入小學讀書千遍猶未熟年十五冬
夜誦書有所礙憤悱沈思心忽開朗自是穎悟異
常殫究經史深造自得

世宗皇帝在潛邸聞其名手書延至握手賜坐呼先生而
不名曰索觀所著書每進一篇未嘗不稱善疾革
請就外乃以大牀爲輿上施青紗帳二十人舁之
出卒年六十九

世宗遣使經紀其喪親製挽詩四章復爲文祭之有云讀
書等身一字無假孔思周情旨深言大僉謂非先生不

能當也

潛所
堂集

簾紋如水曉驚秋推枕尋釵搭臂髯郎困宿醒猶
未起一簾微雨看梳頭此間百詩絕句也風調絕

類晚唐人

聽松齋詩話

摘句 古來成大器強半是孤兒

勤學誠關福家聲詎自今

縱酒愁書亂離鄉畏病增

獨有中秋月能同萬里天

吳雯

字天章山西蒲州人諸生有蓮洋集

雯本遼陽人順治六年其父允升任蒲州學正卒

於官震兄弟孤弱不能歸遂寄籍於蒲州康熙己

未薦舉博學鴻詞不中選

四庫提要

趙執信懷舊詩序稱震拙於時藝困曠場罕體貌

醜衣冠垢敝人咸笑之然詩才特超妙

同上

震天才雄駿其詩有其鄉人元好問之遺風惟熟

於梵典好拉雜堆砌釋氏故實是其所短

同上

天章至京師未知名余賞其詩一日待漏朝房誦

其句於葉詠菴葉下直即命駕訪之

漁洋詩話

余與海內論詩五十餘年高才固不乏然得隨者

終屬天章也

分目餘話

題吳徵君

雲

詩卷云三晉風騷雜僞真遺山歿後

更無人把君行卷誰堪並除是番禺屈大均

曝書亭集

標題

雜詠

五古

摘句

至今堯峰上猶上堯時日

泉繞漢祠外雪明秦樹根

陰將連太白氣自滿關中

望華山

潮來全楚白雲上半江陰

門前九曲崑崙水千點桃花尺半魚

梅花何處三更笛寒食無家萬里人

人代已隨晨雨散河山不改夕陽晴

青春索句王孫草遲日攤書玉女窗

始知絕代佳人意卽有千秋國士風

明妃

豈但穠華謝桃李空林黃葉亦無多

邱維屏

字邦士江西寧都人

邦士爲人高簡率穆生平最得意所作時文然其
古文乃爲吾黨所推廉於財非義一介不取晚尤
精泰西算著易勦說易數歷書皆未竟爲文深思
窮力旣脫稿隨手散漫亦不自惜也

魏叔子集

摘句 嗜欲幸不深濤泊適所遇

張白烈

字爾公號芑山江西宜春人

博物洽聞晚居廬山累徵不出著有古今文辨正

字通諸書

江西詩微

摘句 白雲過眼愁千里青史隨身影半牀

吳學炯

字星若江西南城人有秋雨堂集

廣搜博覽潛心古學選

本朝百名家詩

江西詩微

摘句 綠野陶真性青山養大才

杯竿皆殊製盤餐出異鄉

高樓笛起三更酒淺渚舟歸一夜潮

周 賃

字青士號罄谷浙江嘉興人有采山堂集

青士遭亂棄舉子業受廩賣米有枯故家遺書鬻於市者買得一船每日中交易筐篋斗斛權衡堆

滿肆讀之糠粒中

靜志居詩話

罄谷奉母孝膳必具酒肉人有匱乏傾肆中錢米給之有戴丙鬻女于巨室及笄將以配僮僕君急贖之爲擇壻以嫁采石估載米八百斛得直千金

貯君筇估獨往硤石中道死君具棺以斂手書呼
其子至傾筇還之

曝書亭集

標題 七歌集句

古七

摘句 似士不游庠似農曾讀書似工不操作似
商謝奔趨立言頗突兀應事還獬疎飢凍
不少顧吟詩作歡娛

時命苟我達賢豪困無策

几靜晨開卷鉗空晚作糜得成兒子學無
礙老夫飢

出門缺月成圓月挂席南風轉北風

顧有孝

字茂倫江南吳江人諸生有雪灘釣叟集

處士甄綜百家之詩盛行于時賓至輒留齋菜

孟嘗君之目

靜志居詩話

摘句 舊京珠履三千客荒塚冬青一十秋

顧樵

字樵水江南吳江人

潘稼堂云樵水志尙冲素詩有錢劉風味畫人能

品每橐筆遊山水圖而詠之

江蘇詩徵

摘句 遇物悲在昔事往情更深安知來日愁追

念不及今

周肇

字子俶江南太倉人有東岡集

瑯琊太原兩王公而後難遺漸滅又二十年十子乃以所爲詩聞海內十子爲周肇子俶王揆端士許旭九日黃與堅庭表王撰異公王昊惟夏王忭

懌民王曜升次谷顧湄伊人王攄虹友

梅村文集

張溥舉復社肇爲高弟令新淦除弊恤民

文學錄

摘句 遺孤袁粲纍囚日亡命王成質保中

贈陸翼王

顧湄

字伊人江南太倉人有水鄉集

通志堂九經解納喇性德所刻而徐乾學延顧湄

校正之

提要四庫

湄本惠安令程新子新與顧夢麟善夢麟無嗣幼

鞠湄遂姓顧克承經學

江蘇詩徵

摘句 伏闕陳東還痛哭登樓王粲獨飄零

王 湄

字虹友江南太倉人有蘆中集

太原王氏昆季多才蘆中一集尤爲矯矯

詩國朝別裁

標題

謁睢陽廟

五古

黃海歌

七古

摘句

報父有心終覆楚殺身無計可存吳

伍相祠

只道主由金鏡致豈知兵爲玉環來

張文獻祠

勝地山川曾百戰故人煙雨只孤舟

李良年

字武曾浙江秀水人太學生有秋錦山房集

康熙己未嘗薦舉博學鴻詞初冒姓虞氏名兆潢

故當時薦牘無良年名

四庫提要

其詩清峭灑落頗得江山之助

同上

武曾與兄繩遠弟符稱三李

嘉興府志

龔端毅公爲文酒之會延知名士三十餘人君以

墮馬後至必俟君至乃舉爵徐乾學開書局于洞

庭山招君助修一統志

曝書亭集

標題

題宋人詩後

七古

摘句

半肩欹絕壁一髮上空冥

不敢更嗟鄉國遠有人還在萬峰西

惲格

字壽平一字正叔號南田江南武進人有南田集

格原名日初字仲升

遺民集

南田十餘歲隨父遜菴崎嶇閩嶺相失帥某愛其聰穎欲子之遜菴偵知南田在某所屬靈隱寺僧

善言誘接指此子慧根極深惜福薄壽促宜令出

家卽日祝髮畱寺中帥媼故佞佛泣而去

江蘇詩徵

南田少時流離瑣尾以畫釵得生遂創沒骨花一派賣畫養父本工山水旣與王石谷交筆意極相似顧而嘻曰兩賢不相下君將以此擅天下名吾何爲事此乃作花卉寫生而題語書法兼工故世稱南田三絕性落拓遇知己或匝月爲之點染非其人視百金猶土芥不市一花片葉也所居甌香館倡酬皆一時名士云

國朝名家小傳

惲南田畫冊論畫有云有筆有墨謂之畫有韻有

趣謂之筆墨瀟灑風流謂之韻盡變窮奇謂之趣
余謂不獨畫爲然卽詩家書家之妙俱可互參然
趣可於筆墨上求之韻必從書卷中得來若無韻
則趣恐墮入惡趣也

聽松廬詩話

摘句

三潭弄浮煙因風蕩爲水

送迎人自老新舊歲無痕

芳草有心憐夜雨東風無力轉春晴

平開圖畫含千嶺盡掃星河占一天

望月

只爲花陰貪久坐不須歸去更熏衣

最憐霜月懷人夜鴻雁聲中獨倚樓

夜坐東軒寫秋雨江聲都自墨池來

徐夜

字東癡山東新城人諸生有東癡詩選

先生初名元善字長公慕嵇叔夜之爲人更名夜
字嵇菴爲季木先生外孫少讀書外家前染風氣

束髮工爲詩

漁洋文略

東癡隱居東臯有朱桃椎杜子春之風

池北偶談

摘句 一室不能理對人談楚越

生爲信國流離客死結嚴陵寂寞鄰

弔謝臯羽

丁耀亢

字西生號野鶴山東諸城人貢生官惠安知縣有
椒邱陸舫諸集

王士正池北偶談載其陶令兒郎諸葛妻一律謂
野鶴晚遊京師與王文安諸公倡和其詩亢厲無
此風致蓋亦有所不滿矣

提要四庫

先生有赤松遊表忠記諸傳奇行世

山左詩鈔

野鶴著天史詩多奇句如老將云低頭憐戰馬落

日大江東

古夫于亭雜錄

標題 化人遊歌

七古

摘句 故國青山萬里夢老親白髮五更心

交遊倦後存真率詞賦年來愛老蒼

張寶居

字賓公號蕭亭山東鄒平人有蕭亭詩選

王士正序稱其古今詩盈千首樂府古選尤有神

解爲擇其最者三百餘篇

提要四庫

蕭亭生席華膺棄如脫屣甘就隱約以終老

漁洋文略

標題

君子行

五古

九日王秀才攜酒至

五古

摘句

始知天下事待時貴無爭

衆禽見慣皆相識五穀生成半不分

霜清玉斧催脩月水冷銀河看種星

一卷離騷千日酒三春花鳥四圍山

忽驚夜半寒侵骨流水無聲山皓然

夜雪

張篤慶

字歷友號厚齋山東淄川人貢生有崑崙山房集

篤慶才藻富有洋洋纚纚動輒千言風發泉涌不

可節制

提要四庫

歷友學殖淹博諸前輩稱爲冠世之才著八代詩

選班范肪截五代史肪截等書卓然可傳

國朝詩別裁

崑崙山人明季詠史七律警句云願廚品藻矜名

字牛李升沉密網羅言黨禍也山川絕少金銀氣

誅斂何殊花石綱言礦稅也勾陳天遠浮雲蔽
索星明正氣孤言田許之酷也陽球尙未尸王甫
曹節偏能殺李膺言宦寺之惡也南還不少黃潛
善畱守空爲宗汝霖言馬阮當權雖有史閣部無
濟也空餘跋扈桓宣武豈有勤王溫太真言左良
玉無勤王之意也沉鬱悲涼詩中有史而明之所
由以亡亦卽此可見矣

聽松廬詩話

標題

杖頭錢

古

趙千里海天落照圖

古

仇

十洲摹宋人張擇端清明上河圖

古

摘句

不少衣冠歸趙勝誰將戈甲走蒙驚

信陵君

奄忽當塗更典午翻嫌多事鄧征西

吳 麐

字仁趾江南新安人

仁趾與賓賢有二吳之目賓賢以性靈見此以情

韻見幾於莫能相尙

詩別裁國朝

摘句

葉低防罨釵枝高羞露釧

美人折花

那知成永別猶記勸加餐

邵長蘅

字子湘號青門江南武進人諸生有青門集

山人古文與侯朝宗魏叔子稱鼎足詩力追唐人

晚變蘇黃范陸之派亦宋詩中矯矯者

詩別裁國朝

山人曾應博學鴻詞之召報罷入太學再應京兆試卒不遇益縱情山水宋公牧仲開府吳會禮致之幕府談道論文敦布衣昆弟之好

國朝名
家小傳

道學之有異同自朱陸始也異同積而爲門戶自姚江以後始也夫聖人之道大故曲成而不遺如愚之回多言之賜師之過商之不及皆得與聞孔子之道後世諸儒惟不得孔子以爲之依歸故紛紛至是耳假令陳白沙吳康齋王陽明與薛文清胡敬齋諸先生竝遊於孔子之門必皆爲孔子之

所許夫諸先生同學聖人者也其流雖分其源則一彼學有是有非耶吾擇其是而已彼學果非耶吾守吾是而已奚爭爲 讀書非記誦之謂蓄諸躬必有根柢見諸文足資世用蓋德與言兼焉若立功則視乎其時耳 讀書不知奚有於文下者譁世取說殆類俳優其病鄙上之習遷固之優孟而悅其警牙其病剽又上之咀宋人之蕩魄而以爲元醴其病腐 濬文之源在讀書在養氣涵泳道德之塗笛畚六藝之圃以充吾氣也汨乎寡營浩乎自得以舒吾氣也植聲氣急標榜於吾氣者

也投贊干謁蠅附螳營惡吾氣者也應酬輟轡談
墓纓金撓吾氣者也此養氣之說也 詩之名家
皆學古人而各得其性情所近自漢魏六朝三唐
至宋元明人之作皆有可學有不可學視吾自得
何如爾苟吾之詩學既成無論其爲漢魏六朝爲
李杜爲三唐爲宋元明詩皆可使之就吾之鑪冶
而皆不能爲吾病吾之詩學未成無論其學漢魏
六朝學李杜三唐及宋元明皆足以病吾而皆未
必有當於詩何則其自得者尠也 夫詩藝也然
要其至則天人兼焉有人而無天終身爲之未必

其至也有天而無人率然至之未必其皆至也嗚

呼不其難哉

青門集

侯朝宗文以氣勝魏叔子文以力勝汪鈍翁文以法勝朱竹垞文以學勝四先生而外求足以方駕者其姜西溟邵青門乎青門論學論文論詩之語有實獲我心者因節錄之

松心錄

人務爲高語亦復何難但恐乏真意耳余愛邵青門詩云本無遺俗慮習懶偶成癖又云豈敢慕高蹈良與窳拙便又云此行實饑驅豈敢托高跡語

極率真却已入人肺腑

聽松廬詩話

青門七律如入春四首丙辰五月七首皆學少陵
而能以真氣貫之者同上

標題

潯陽舟中作

古五

漁父

古五

熊經略

古七

周將軍

古七

十八學士圖歌

古七

五人墓

行

古七

喜聞諸公同官翰林賦贈

古五

紀

恩詩爲商邱公恭賦

古七

永樂窯席帽盃

詩

古七

過大庾嶺五百字

古五

摘句

世變苟相乘聖賢不敢違

途窮蹶駿足運適伸庸材

食梅始知酸行路始知難

古人偶會心听然意自足

松徑落殘雪石橋橫古梅

離人自對他鄉月明月還應到故鄉
湖勢北搖匡嶽動江聲西擁豫章浮
生死情親餘姊弟孤嫠痛哭又元宵
窮途骨肉還今夕幾許悲歡到酒杯
總誇國手翻新局我自鈎簾覆舊基

陸次雲

字雲士浙江錢塘人官知縣有澄江集

五古短篇及宮詞之類頗能自出新裁

提要 四庫

次雲宰郟縣有善政丁父憂起宰江陰風雅好客

著湖塘雜志八絃譯史北墅緒言芙蓉城四種曰

尙論持平析疑待正事文標異史冊拾遺

雨浙繪
軒錄

陸雲士詠坑儒云尙有陸生坑不盡畱他馬上說

詩書詠疑塚云正平只有墳三尺千古安眠鸚鵡

洲均十餘字耳能使秦皇魏武爲之短氣

聽松廬
詩話

標題 出門

五古

摘句 海吸長河遠天包大地圓

章靜宜

字湘御江南長洲人諸生

歌行清麗激楚頗近梅村集門徑

四庫提要

標題 汴梁行記

摘句 天清瓜步中流見風起長江動地來

顧景星

字黃公湖北蘄州人有白茹堂集

景星著述甚富初有讀史集論九卷鴈池錄一百

十八卷南渡集來耕集共七十三卷康熙丙午燬

於火僅南渡來耕二集存十之三四

四庫提要

景星記誦淹博才氣尤縱橫不羈詩文雄贍亦一時之霸才而細大不捐榛櫟勿翦其後人收拾遺

棄又不甚別裁傳毅之不能自休陸機之才多
患殆俱有焉上同

標題 唐人百馬卷子七

古

看內子烹陽羨茶七

古

摘句 呼兒酌酒斟紅螺我今詩成兒試歌當歌

對酒愁奈何老憶少年悲轉多

和光鄉黨笑遵晦鬼神知

同時黃犢健俱作白頭人

自有閒評掇月旦敢云世態薄風騷

開書見問新秋句只在疎籬苦竹邊

汪徵遠

字扶晨江南徽州人

汪徵遠工詩古選尤閒澹有王韋之風

漁洋詩話

摘句 意想不到處峰巒忽盡開

不見菴中僧微雨潭上來

汪洪度

字于鼎江南歙縣人諸生有餘事集

漁洋賞其建文鐘篇今不見此詩可惜也

國朝詩別裁

標題 紀歲珠

古七 鼠渡江

古七

摘句 日照丹霞西雨來青嶂東船頭氣澄碧船

尾陰寒濛

李文燦

字與韜號韞菴廣東順德人貢生有天山草堂集
與韜嘗爲西賊所困七日談笑自若喻以鄉中貧
苦賊解去素有李書櫃之目

粵東詩海

摘句 本是一盤水居上遂爲冰爲水性和柔爲
冰有鋒稜

高儼

字望公廣東新會人有獨善堂集

望公博學工詩尙藩屢辟之不就能於月下作畫

視畫時益工

嶺海詩鈔

摘句 名能累我身雖遠貧不干人世莫憐

羅寧默

字仲恭廣東順德人貢生有偶然齋集

梁藥亭云仲恭詩孤處似雲空處似秋香處似梅

淨處似雪

粵東詩海

仲恭詩有云賤交貴莫到門門前列坐三五閨欲
起不起半吐吞寫惡閨狀如繪因憶施愚山詩云
公卿雖吐哺候闥已頽赤公卿雖賢然其閨狀不
惡者鮮矣

聽松廬詩話

標題 二月十三夕散步溪上

五古

憫農謠

七古

摘句

念昔插田時兵戈滿騷屑恐懼至於今
熟難兩決刈生苦糠粃刈熟畏陵奪

賓主參差坐談笑各陶然不求浪富貴但
欲子孫賢

凌王弼

字藩之廣東番禺人諸生

風節清峻心氣平夷在諸遺老中所養較邃

橫海詩鈔

摘句

惟士各有志非必明倨傲退豈耽沈淪進

或戒輕躁

不知林樹上明月頓覺溪山增曉寒

梅花

彭始奮

字海翼一字中郎河南鄧州人有娛紅堂詩草

而述子六人皆能詩

感舊集補傳

漁洋寄中郎兄弟詩有中原傳二妙之句

聽松廬詩話

摘句 蠻兒乘象同牛馬 葵道看花無夏冬

黎延祖

字方回廣東番禺人貢生有瓜圃小草

遂球二子延祖彭祖皆好學篤行之士

廣東通志

王漁洋祭告南海慕延祖名訪之因爲敘其瓜圃

小草及還延祖送以詩云駐蓋便尋遺逸士懷人

還問舊孤忠相逢一賞猗蘭操不覺哀絃在繫桐

時以爲延祖高致宮詹愛才兩賢之

番禺縣志

摘句

五典舊聞從舜代三仁終古見殷墟

南園

南園爲明初趙御史介孫典籍黃王給事佐李長史德黃待制哲五先生結社地後爲宋文公天祥陸公秀夫張公世傑三大忠祠變遷而後祀典仍存

查容

字韜荒號漸江浙江海寧人有彈箏集

先生郡試拔第一試於學使者怒其搜檢拂衣徑出性好遊至滇吳逆未叛時延爲上賓先生察其有異志佯醉而出卽行有將軍有酒能投轄壯士

聞雞已出關之句吳遣親軍邀於路先生素有力

從馬上提親軍擲地曰乃公終不爲老兵畱親軍

訴吳恚甚遣劍士將殺之微服間道得免

選佛詩傳

摘句 壯士橫刀看草檄美人挾瑟請題詩

芳草自分南北路垂楊相送短長亭

何鞏道

字皇圖廣東香山人諸生有樾巢稿

吾騶子遭亂徜徉自廢

粵東詩海

樾巢詩云日日悲笳海上來蕭條風景暗相催驚

潮打鶴猶閒立深雨迷花尙鬪開曉出不知心所

往夜吟惟有影相陪天涯縱得投閒地庾信江南
未免哀凌藥洲曰三語見李成棟輕騎襲廣州蘇
觀生不設備四語見永歷紹武自尋干戈昏而不

悟也

嶺海詩鈔

摘句 落花飛不起日日怨春寒亂筍過牆易饑

烟出院難

連雨

別非垂老偏多淚歸已無家復送行
積水化雲天路白斷虹收雨海門深
酒會西蜀壚邊醉簫亦東吳市上吹
百戰江山如昨日獨行踪跡似孤僧

水邊對月難尋影樓上看花盡見心
愁中生計沈杯底夢裏功名到枕邊
但得花開人便醉不知誰是種花人

彭桂

字爰琴江南溧陽人

宏博之薦爰琴以母疾力辭

京江耆舊集

瀨上二彭有雙丁兩到之目

詩觀

標題

揚州嵯署爲董江都故居署後有祠瞻謁

感賦

五古

聽孫良侯撾鼓歌

七古

摘句

爲致慈親語殷勤勸早歸歎余違井邑况

汝別庭闈

徒勞問答皆賓戲始信文章果說難

廖燕

字人也一字柴舟廣東曲江人諸生有二十七松
堂集

萬古此一時天地爲我宅是飲酒起法

國朝詩別裁

柴舟性簡傲邑令歲周餽之求一詩不可得

嶺海詩鈔

標題

十八灘

七古

摘句 僧歸雲閉寺人靜月當船

至性原通佛真慈那免情

石頭壓笋不能伸萬丈龍梢徒拗折

吳之振

字孟舉浙江石門人貢生官中書科中書有黃葉

村莊集

選宋詩鈔行世故其詩流派亦頗近宋人

提要四庫

康熙初年山林詩石門吳孟舉最有名

國朝詩話

吳之振勇於爲善居鄉多義舉

兩浙輪研錄

標題

黃河夫

五古

摘句 老去貧交難聚首眼前生客怕輸心

山深木客通名字日暖慈姑種子孫

王 隼

字蒲衣廣東番禺人有太樗堂初集外集

隼詩與陳恭尹梁佩蘭並稱嶺南大家著有詩經

正訛嶺南詩紀琵琶楔子

廣東通志

隼娶潘樸元女孟齊能詩倡隨拈韻雅相得也女

瑞湘亦能詩

同上

摘句 夕陽多在水殘燒不歸山

憶山添懶態入世滅狂懷

有鶴雲依樹無人月占樓

洪 昇

字昉思號稗畦浙江錢塘人太學生有稗村集

昉思因演所著長生殿傳奇至於斥革受辱五十餘墮水而沒天之厄之爲已極矣而其詩流澹成

家漁洋及門中在吳天章下餘子之上

詩別裁國朝

昉思工樂府宮商不差脣吻旗亭畫壁往往歌之

娶黃相國機孫女亦諳音律所作樂府長生殿又

有天涯淚四嬋娟雜劇今已少傳本矣

兩浙輶軒錄

標題

金釵曲

七古

摘句

溪深難受雪山凍不流雲

他鄉長兒女故國隔山川

一片夕陽橫白骨江楓紅作戰場花

千秋一箇劉文叔記得微時有故人

梁無技

字王顧號南樵廣東番禺人貢生有南樵集

東莞尹源進集鄉里才俊試以詩令梁佩蘭陳恭

尹次第之拔無技第一無技稟性敦篤狷介自持

杜門著書粵大帥延掌粵秀書院士望歸焉

廣東通志

摘句 病因飲酒得病愈酒難忘

猿啼白雲上一路入梅花

桄榔花裏屋椰子葉邊村

斷吟畱雨續離夢倩雲招

蒲松齡

字畱仙號柳泉山東淄川人諸生有聊齋集

柳泉屢試不利遂肆力於古文以餘閒搜抉奇怪

著爲志異一書

山左詩鈔

小說家談狐說鬼之書以聊齋爲第一漁洋有聊齋志異書後一絕云姑妄言之妄聽之豆棚瓜架

雨如絲料應厭作人間語愛聽秋墳鬼唱時

松軒隨筆

摘句 織者常苦寒耕者常苦飢

大隱隱市城轉覺入山淺

名士由來能痛飲世人原不解憐才

陳阿平

字獻孟廣東東莞人諸生有鉢山堂詩集

阿平與梁佩蘭同時是集卽佩蘭爲之序

四庫提要

摘句 人生亦有初我欲求其故

明月又將滿秋風吹別離

朱 細

字子青號橡村山東歷城人官候補主事

棣華書屋近刻四卷朱細朱絳朱綱兄弟三人之

合集也

四庫提要

子青好賓客所居有湖山之勝羣賢翁集筆墨橫
飛說者謂金粟道人玉山雅集後世無此樂三百
年矣

漁洋
文略

摘句

山境隨處佳誤到亦可喜

夕陽半露烟中塔黃葉全遮郭外樓
蘆筍乍抽三寸碧桺絲纔放二分黃
千里遠人逢意外十年前事在胸中
殘星數點月將落老屋一燈門未開
閒斷香泥下花子一庭疎雨碧苔多

薛始亨

空剛生廣東順德人諸生有南枝堂集

剛生博學好奇嘗謂遇異人授以論劍一編又稱

劍公

粵東詩海

摘句 策名爲譽鵠落魄成譏叢

一醉梅花月還臥瀟湘雨誰能束奇懷男

女待嫁娶

秋聲落河漢日色映虹霓

解頤每騁雕龍辯彊項會知臥虎名

雲夢暮天迷七澤洞庭秋水接三巴

張劭

字博山浙江嘉興人有木威詩鈔

竹垞稱其鋒鑄百家有日爐風炭之手

南野堂筆記

體物百篇匠心獨出尤足單行

兩浙輟軒錄

摘句 老樹得秋色空庭畱夕陽

花飛鶯脰水月上畫眉橋

到門攜酒客何處踏碎落花來借書

薛起蛟

字牟山廣東順德人貢生有木末山房稿

起蛟務爲有用之學爲文力追柳州尤淹貫史學

年九十猶喜讀書卒年九十有八

廣東通志

摘句 黃鳥有聲喬木曉青山無恙故園春

每笑三年人泣玉何妨五月自披裘

李德林

字宗博廣東順德人貢生有柯山草堂集

德林性穎悟綜覽羣書選化州訓導未任卒

粵東詩海

摘句 遠患貴知幾保身尙先覺不觀亡命時逍

遙有申郭

唱到陽關二三疊東風吹淚不成聲

黃河澂

字葵之廣東南海人諸生有葵村集

葵村詩云嬌女如新月微光欲照人比嬌女以新

月不類而類情至者知之

國朝詩別裁

葵之潦倒名場清貧終老故其詩善於言情

嶺海詩鈔

葵村五言古詩其獨到處直逼古人近體亦有警

句惟七言古未見合作

聽松廬詩話

摘句 天地大父母人人連髮膚奈何夸毗子畫

地自分區

中古趨短折多由騁智力天地乃素絲羣

生分組織

鍾鼎養才哲饑苦役羣庸都會勞爾生

野待其終

賢愚實天命啓德邁丹朱若云緣教訓禹
則勝唐虞

詩書離亂賤衣食異鄉難

野燒明虛帳秋聲落戰旗

凌虛臺榭觀初日排仗魚龍候早潮

南海神祠

謀食且無知稼僕授衣難問不蠶妻

名場老饜雞鳴飯官路多露馬足塵

夜不易眠尋美酒少無奇遇想佳兒

余錫純

字兼五廣東順德人貢生官訓導有語山堂集

兼五敦尚氣誼有陳遵風爲儒林重

國朝詩精華

羅石湖曰安南河仙鎮有番官莫姓者從海賈見

兼五詩慕之俟海舶歸輒以土物易其新詠

嶺海詩鈔

摘句 海水平猶動人情久自安

遠天低到水鄰樹半依人

天垂日月當窗見地缺東南到水斜

登鎮海樓

萬壑水聲千樹雨一樓人影四窗風

帆勢欲斜知纜轉灘聲忽細覺潮平

潘岳老來無父輩陶潛亡後少遺民

少貪風月終畱恨老對兒孫倍有情

李光坡

字耜卿號茂夫福建安溪人

儀禮述注李光坡撰三禮之學至宋而微至明殆絕周禮猶可談王談霸禮記猶可言敬言誠儀禮則全爲度數節文非空辭所可敷演故講學家避而不道也光坡此編雖瑕瑜互見然疏解簡明使學者不患於難讀亦足爲說禮之初津矣

提要四庫

茂夫隱居不仕潛心經學著三禮述注

仁廟賜聯云道通月窟天根裏人在清泉白石間亦榮遇

也

榕城詩話

摘句

但有無事頃趁程莫懷居跂立與跨行不
如分寸儲

國朝詩人徵略卷十五

番禺張維屏子樹輯

金德嘉

字會公號豫齋湖北廣濟人康熙二十一年會試
第一官翰林院檢討有居業齋集

德嘉晚年鍵戶著書時同郡顧景星張仁熙劉醇
驥往往追慕秦漢宗尙王李訾歸有光爲秀善婉
媚德嘉獨不爲高論力摹韓歐雖閤肆博瞻遜於
國初前輩而先民矩矱彷彿猶存

提要 四庫

先生五歲而孤事母孝旣入翰林凡遇編纂殫思

萃力若明史列傳表揚殉節諸臣一統志分撰楚
省諸郡鱗次就稿丁卯典貴州鄉試得士多名俊
先生品行端慤當名場馳驟之會泊焉自守以故
齟齬不得志一旦致仕以歸同朝無不嘆惜之先
生斗室中圖書充塞兀坐編摩以復濱公手輯自
警編與宋名臣言行錄相倣晚年更續纂元明諸
賢以廣之足跡不入城府幾二十年于主敬存誠
之學始終堅定屹爲儒林完人年七十有八而終

南昀
文稿

會公先生品端學粹讀書稽古老而益勤家居龍

坪爲古鴻臚洲地道光甲申余承乏廣濟暇日造
先生故廬晤哲孫明經曾孫茂材皆彬彬儒雅世
其家學明經出示先生居業齋詩文集余受而讀
之益歎先生之學粹然一出於正且胸懷高曠瞻
於世味而樂於道味爲不可及也先生作朱陸異
同考謂集羣聖之大成者孔子集羣賢之大成者
朱子又謂姚江之徒龍谿緒山假尊師煽羽翼土
苴傳註糟粕前賢末流乃有何心隱李卓吾憐蕩
潰決此豈姚江逆料所及哉又謂天下非無材之
患有材而不遜志於學則大患所論皆守正而持

平而先生生平之宗旨亦於此可見矣

松心
日錄

好爭由於好勝好勝由於好名其病雖君子或不免善夫金會公之言曰古人之學爲已而已非斷以勝人也一有勝人之意則必言與言相角夫天下後世卒不可勝則其勝人也亦暫矣是故學莫大於爲已已誠學則不暇與人角

同上

諛墓古有之而今尤甚或以交情或以金幣因而諛其死者並及其生者且不難舉衆善而歸於一身徒爲有識者所笑耳金會公詩云縑包帛裹致鴻文萬善都歸顯者隱委巷潤色多錢翁其生也

椎沒而賁眉山妙喻示王郎膏面飽腹須臾事君
子於言無所苟俛死如生生不愧蓋爲人誌墓核
其實當其人無泛無浮有體有要卽諛墓之金曷
嘗不可與劉义共醉哉

聽松廬詩話

標題

弔大名道朱忠烈公

五古

讀丹朱集有作

七古

黃鵠磯歌

七古

麟鳳篇

七古

詛鼠

五古

詰蚊

五古

萍草歌

七古

摘句

天下豈乏才有才視所用

千古下士人終收士之力

人情憐召樹風俗比桐鄉

先大夫人名宦祠

學從艱苦入慧自寂寥生

安貧勞自慣干祿學原疎

地許收黃獨天容放白鷗

山城一路黃梅雨古寺雙峰碧玉流

地產真人如白水天開帝里紹新豐

樓桑村

侍從兩朝多諫草世家三楚一衡門

酒邊歲月陶元亮詩裏乾坤杜少陵

途窮阮藉狂呼飲天放虞卿老著書

世澤儒林行有傳家貧貨殖本無書

網羅後史讐前史零碎旁書補正書

蘆中萬感此身集海內一人知已難
懷古每令愁似海積書何補債如山
人惟學道甘貧賤友到知心苦別離
荒江老我將殘臘濁酒留人過小寒
生涯水碓充臧獲風俗山鄰互犬貓

彭寧求

字文洽號瞻庭江南長洲人康熙二十一年
賜進士第三人官翰林院侍讀

瞻庭公嘗曰吾儕職所當盡雖灑掃負戴亦宜爲
之况乃文章之事唯有俯首盡力而已

二林
居集

摘句 始進苟不正晚節何由保所以達人心立
身忌草草受恩惟恐多入仕亦戒早

許汝霖

字時庵浙江海寧人康熙二十一年進士官至禮
部尚書有德星堂集

平生手跡一字不遺未免不能割愛耳

提要 四庫

汝霖督學江左考試事竣置酒君山大會諸生布
席分題或詩或賦各展所長至今傳爲盛事
摘句 客久誰無歸里夢官高偏忘倚門憂

浙江通志

一鳴終落憑城膽三黜寧忘報國人

史藝

字胄司江南溧陽人康熙二十一年進士官詹事
宮詹扈從

北巡著扈蹕集典試兩浙著章臺集分理河工著觀濤集

祭告南海著扶胥集

淵故

蔡翁精子平之學史胄司訪之蔡告以生一孫推
其命若遲一時則大貴史叩其日時大驚曰予今
歲得子正其日月時也蔡曰此兒必入閣卽今文
靖公也康熙辛酉胄司携眷入都泊舟水驛生子
聞鐵工家亦生子問其時正相同心識之後文靖

已官清禁曹司南歸復經其地訪之則門宇如故
一少年持斤斧操作甚勤問之則辛酉某日生者
也公思之竟日旣乃悟曰此四柱中惟火大盛惜
少水制幸生舟中得水氣補其缺若生于鎔冶之
地則以火濟火全無調劑矣

茶餘
客話

星命之說始於李虛中然虛中推命止用年月日
不用時至徐子平始以年月日時推吉凶禍福前
人謂有驗有不驗如蔡翁之言驗於文靖不驗於
鐵工之子余謂不驗者其常然也驗者其偶然也
夫天下事偶然者多矣卽以人身言之偶然而然

生偶然而駢脅偶然而枝指謂無孿生無駢脅無
枝指不得也然偶然也非常然也有常然亦有偶
然者天地之大也而人或因其偶然者而泥以求
之則惑矣

松軒
隨筆

標題

合澗橋步月

五古

飛來峰

五古

摘句

淵明居柴桑日與廬山對云何詩百篇未

嘗道隻字乃知作詩者適然與興會

高才不肯居人下畏路休教占福先

繁華欲盡紅羊換歌舞方酣白雁來

鳳凰
山

馮廷櫬

字大木山東德州人康熙二十一年進士官中書

舍人有馮舍人遺詩

丁卯典試湖廣作詩一卷名曰晴川集

提要四庫

舍人性孤介不入大僚之門官閒無事惟枕藉書

卷所爲詩清警絕俗詠古尤佳

國朝詩別裁

舍人生平深相契者惟趙秋谷宮贊朝官或得諸

葛銅鼓兩人各賦長歌諸名士皆閣筆漁洋欲哀

兩人唱酬之篇爲二妙集

國朝名家小傳

聞舍人一夕中煤毒卒蓋生煤易爲害也

松軒隨筆

標題

黃鵠磯

古

生日放言

古

摘句

雅識汾陽眞肯奉永王教

李白

近山得早陰臨水多夕露

老悟舊學非內訟無由贖

士忌才名大官憐骨相寒

馬調添睡味山過減詩情

范叔漫言天下士杜陵空望眼中人

縱有微高如諫果終難久繫似匏瓜

對奕明知先著好置薪原是後來強

折腰未敢攀陶令攘臂何須笑晉人

周金然

字廣居號廣庵江南上海人康熙二十一年進士
官洗馬有廣菴全集

金然與施閏章宋琬遊其才思格力亦介於二人
之間

四庫
提要

中允工書法告歸時以平日所書進呈

聖祖製五言十二韻褒之

江蘇
詩事

摘句 東方仕代農柴桑農代仕

大鈞布羣物脩短一胚胎至人獨不朽不
朽非形骸

王九齡

字子武江南華亭人 康熙二十一年進士
御史有艾納山房集

廣心之仲子也其詩欲挹何李之流波而才思富

艷加以纖穠

提要 四庫

摘句 無聲慚仗馬有淚對刑書

十里靑樓原上草六朝紅粉路旁花
世間何物催人老半是鷄聲半馬蹄

尤珍

字謹庸號滄湄江南長州人康熙二十一年進士
官右春坊右贊善有滄湄詩鈔

先生爲西堂長子西堂先生以宏詞徵先生隨至

京壬戌成進士入翰林父子同朝班聯隨侍時人

榮之方晉贊善而先生以養親請急歸矣

歸愚文鈔

先生所作滄湄劄記道作詩甘苦極詳

國朝詩別裁

標題 題磨崖碑

七古

摘句 誦讀思尙友風期遙可親毋爲守章句兀

兀徒苦辛

宗唐祧宋吾何敢前有東坡後放翁

吳苑

字鱗潭江南歙縣人康熙二十一年進士官國子

祭酒有北黟山人詩

司成性仁孝讀陽城賁諸生歸養語曰吾人師也

身教之謂何卽日陳情歸

國朝詩別裁

進士題名碑舊於國子監麟潭先生爲祭酒稽考舊碑明永樂至崇正凡七十八科碑僅存三之一

本朝制利始於丙戌碑亦列焉厥後十七科未之繼

也吳祭酒謀於朝伐石鳩工豎之又令吏掘地徧

索獨永樂碑不見一日墻傾吏譁曰永樂碑得矣

於是前後井井用全一代之制

知新錄

國子生教習八旗子弟例與助教並坐後有欲抑

之旁坐者鱗潭曰助教爵尊於教習顧教習所教者八旗子弟師也若等其父兄也豈有父兄爲子

弟延師而屈之旁坐乎聞者帖服

居業齋文稿

摘句 八門拜慈親白髮顏微瘦宦十餘年權

愛類穉幼嬌兒髮垂額及歸盡婚媾闕門

孫暗窺茲客曾未覩

到家

陳學洙

字左原江南長洲人康熙二十三年舉人

左原先生與弟右原爲孿生兄弟形體性情學問

志節無不相同詩品雅潔並追唐人

國朝詩別裁

戊辰會試主司徐東海先期羅致名士有友約在
原往謁日中不中命也卒不往

荻汀錄

摘句 憶汝周歲時呱呱而索乳汝母躬撫育一

夜常數起抱至大母前呼名輒唯唯姑婦
相視笑吾宗有孫子安得若長成讀書取
青紫斯言宛昨日逝者已如彼傷哉泉下

人不及親見此

閩省試錄見
璋兒名喜作

關鎮居庸當北面河流滄海抱中原
寒暄世態吾偏拙貧賤交情爾最真

李國宋

字湯孫號大村江南興化人康熙二十三年舉人有螺隱居集

論者謂自陸放翁後詩之多而工無以踰之揚州府志

摘句 閱身日向江湖老人事空悲水旱餘

虎踞幾年瞻正氣龍驤他日駐新軍望國山

汪灝

字文漪號天泉山東臨清人康熙二十四年進士官至河南巡撫有倚雲閣集

同時別有汪灝字紫滄休寧人官編修四庫提要

灝以侍讀督山西學政清節著聞山東通志

摘句 水消漢武歌風地雲斷周文避雨陵

真得意時惟嘯詠不如人處是功名

送謝山房

施何牧

字贊虞江南崇明人康熙二十四年進士官吏部

員外郎有一山詩鈔

崇邑苦蘆課大吏用何牧言除十之八九里人德

之著日課藏稿又明詩去浮韻雅史肇等書鄂文

端爲方伯時造蘆執後學禮

崇明志

摘句 不爲陳師來紫塞何緣轉粟上青天

金城舊日屯充國瀚海今朝斬郅支

仇兆鼇

字滄柱浙江鄞縣人康熙二十四年進士官至吏部侍郎

杜詩詳註仇兆鼇撰援據繁富無千家諸註僞撰故實之陋習核其大局可資考證者爲多

四庫提要

摘句 壁立高崖盡溪迴一線開

梁佩蘭

字芝五號藥亭廣東南海人康熙二十七年進士官翰林院庶吉士有六堂集

藥亭童時日記數千言通五經百家之學順治丁

齒鄉試舉第一時年二十六詩名已播海內皮屨
成進士改庶常次年假還清潔自好流覽名山與
諸名宿唱酬主持風雅新城王士正秀水朱彝尊
吳江潘耒皆推重之著六瑩堂詩集文集廣東通志

藥亭養馬行以贊頌之筆寫風刺之旨此種詩前
無所承後無所繼應是獨開生面之作國朝詩別裁

元孝藥亭兩家古詩音節神理皆從古樂府得來

元孝沉鬱藥亭伉爽又各因其性所近也聽松廬詩話

梁藥亭句云信是帝王州壯麗秦皇墳對漢皇墳
是悲壯語張船山句云美人名士英雄墓一概疊

疊古道旁是曠達語同是陝西詩

同上

標題

養馬行

古七

寄懷翁山

古五

日本刀歌

古七

採茶歌

古七

易水行

古七

贈閔東臯

古七

送李武曾

古七

羅浮子日亭歌

古七

摘句

客路初臨水鄉心已到家

地形山勢截天塹海門關

京口

星光連馬眼冰氣上人鬚

數行司馬法百戰水犀軍

適用何妨小全鋒卽是才

紙刀

身常善病憐春老心爲憂時識夜長

爲友過干兄弟誼望余兼有父師心
草木尙遲風雨後江山曾閱霸王來
陰洞毒雲龍蛻骨遠山生草麝行香
山河鐵壁無人到庸蜀金牛有路通
榜人月黑連檣語半是吳音半楚音

湯右曾

字西厓浙江仁和人康熙二十七年進士官吏部
侍郎有清懷集

聖祖仁皇帝問掌院學士揆敘聞湯右曾工詩令以其集
進呈揆敘遂以右曾所作文光果詩上達

睿覽蒙

御製賜和今刻冠斯集之首實千古儒者之至榮論者稱
浙中詩派前推竹垞後推西厓兩家之閒莫有能
越之者今觀二家之集朱彝尊學問有餘而才力
又足以運掉故能鎔鑄變化惟意所如右曾才足
肩隨而根柢深厚則未免稍遜齊驅竝駕似未易
言然亦近人之卓然挺出者也

提要 四庫

右曾官給事疏論瓊州採花梨沈香滋擾又疏論

大錢改鑄小錢不必銷毀宜減價流通

杭州府志

標題

澄海樓

七古

登雲麓峰望南嶽歌

七古

驛

巫閭山

五古

葬式歌

七古

摘句

窗中洞庭野木末瀟湘路

地接長城險天浮渤海寬

山海關

一磴自穿雲氣入萬峰爭送雨聲來

接天波浪三江口橫地風雲百戰場

荊州

唐孫華

字實君號東江江南太倉人康熙二十七年進士
官吏部主事有東江詩鈔

吳梅村連舉十三女而公子暲始生時唐東江已
爲名諸生湯餅會客儼然居上坐焉迨康熙戊辰

曠舉禮部而唐與之同榜事亦奇矣

柳南
隨筆

唐東江旣成進士需次選朝邑

天子熟聞先生名

召試乾清宮稱

旨不令之任用主事銜行走翰林中

白樓
文集

先生生平不服藥亦無疾苦年逾九十乃終又聞
先生六十後與少女同臥起更番數輩及長則遣

去皆宛然處子也

國朝名
家小傳

標題

閒居寫懷

五古

滕王閣

七古

鷹坊歌

七古

摘句

作史與論史宜以經爲斷

孔光詆王嘉馬融排李固一朝勢利棄

倒迷好惡

沈歸愚曰時有名人而譴湯文正者作者借古以況今耶

文到無情真悔作口除飲酒只宜臧

直待臨危思翦牧可應先事戮韓彭石頭

袁粲真堪惜自壞邊關萬里城

沈歸愚曰誅袁崇煥

此我朝用間而前明爲間所愚也事後追悔何益哉

田從典

字克五山西陽城人康熙二十七年進士官至大

學士諡文端

是集據儲大文序謂多散佚非全本也

四庫提要

七德九功舞歌亦見翁司寇集中豈翁爲大司戶

時田爲太學生代師擬稿耶

國朝詩別裁

摘句 一年轉戰雍梁間二年克敵威荆蠻三年

掃清甌與越一鼓遂進仙霞關四年官軍

收閩地逆臣稽首歸藩位五年賊渠死岳

陽六年百粵置胥吏七年一舉入成都夾

擊東西疾渡瀘八年蕩掃昆明穴普天率

地歸

皇圖

擬七德九功舞歌

趙俞

字文饒號蒙泉江南嘉定人康熙二十七年進士

官知縣有紺碧亭集

詩格適上但才鋒太銳少一唱三嘆之致

四庫提要

蒙泉登進士第需次家居一時黨論大興獨以身赴師友之難忘者擠之死地亡命北走久之事得

自除定陶令

國朝名家小傳

摘句 孟子今復起亦不講井地未聞書契作仍

可結繩治

尙有君親重休爲兒女悲

露白浩無際蟲吟併一聲

暫屈鄴侯參幕佐忽宣唐介拜原官

陶元淳

字子師江南常熟人康熙二十七年進士官知縣
有南崖集

昌化有浮糧力請蠲除不能乃勾稽本末作浮糧
考奸民隱占飛洒愚民重困乃行清父法作魚鱗
冊剷除公私陋弊作會計經費錄又時行村隴問
民疾苦以勞卒

本朝循吏殆陸玉屏馮葵陽之亞也

荻訂錄

摘句 况復勞心陽子拙敢云流涕賈生才

史申義

字叔時號蕉飲江南江都人康熙二十七年進士
官給事中有燕城使滇過江諸集

聖祖仁皇帝嘗以後進詩人詢澤州陳廷敬廷敬以巾義

及周起渭對

提要四庫

蕉飲少日與顧書宜齊名稱維揚二妙新城王司
寇嘗語客曰西庄蕉飲皆吾傳衣鉢之人也又稱

王門二弟子

國朝名
家小傳

摘句 學者如牛毛成者如麟角塵尾王謝物汝
輩不須捉

四時山葉綠五夜海霞紅

南海

天連巴蜀方爭險地接襄樊好用兵

荊州

傷心白鶴峯前路一樹榕陰蓋古墳

朝雲墓

吳 嘯

字元明江南太倉人康熙二十七年進士官給事

中有西齋集

西齋爲梅村令嗣工於詩

國朝詩別裁

給諫以案牽連落職旋充書畫譜纂修官

江蘇詩事

摘句 獨先元禮彈常侍共幸林宗免黨人

白髮乞湖狂道士青山思穎老尙書

記得雲間歌第一貞元朝士已無人

孫致彌

字愷似號松坪江南嘉定人康熙二十七年進士
官侍讀學士有秋左堂集

致彌詩以跌宕流逸爲長而率易亦不免

提要 四庫

松坪爲明登萊巡撫火東公之孫幼丁家難稍長
發憤讀書火東公之建牙海上也幕下偏裨多奇
士後皆以勲爵顯有以松坪姓名上聞者

召試稱

青遂以布衣賜二品服充朝鮮採詩使士論榮之旣成進
士官庶常會邑民起折漕之難禍幾不測大臣有

爲之地者乃得釋復官學士半生坎壈而襟懷灑落以有韻之言名當世常熟馮定遠題其集曰蠶吐五采雙雙玉童樹覆寶蓋清談楚官蓋倣黃絹幼婦之意謂絕好宋詩也

國朝名家小傳

摘句 江潮晴湧月山火夜燒雲

波光能奪月灘勢欲駒山

馱驪七日堪千里大鳥三年始一飛

千盤石棧龍蛇屈百戰重關虎豹空

張尙瑗

字宏遠號楨持江南吳江人康熙二十七年進士

官翰林院庶吉士改知縣

三傳折諸張尙琰撰是書用力於左傳尤多如卷首所列郊禘五嶽考地名同考名諡同考名姓世表諸篇皆引據典核可資考證

四庫提要

標題

觀音巖

五古

彈子磯

五古

仙霞關

七古

摘句 身非鄴侯骨暫作壁間步強半蛇螭曳有

時猱獲鷺

九鯽湖

查昇

字仲章號聲山浙江海鹽人康熙二十七年進士官少詹事有澹遠堂集

宮詹書法得董文敏之神入直

南書房

聖祖屢稱賞之

國朝詩別裁

查少詹飲陳樸菴席上賦牡丹云置身富貴何須

早到眼雲霞覺倍明時推擅塲

炙硯瑣談

摘句 林影溪邊屋鐘聲雲外山

陳大章

字雨山湖北黃岡人康熙二十七年進士官翰林

院庶吉士有玉照亭詩鈔

詩傳名物集覽陳大章撰其於毛詩用功頗深所

作集覽本百卷凡三易槩而後成此

提要四庫

陳省齋有六子次子大章康熙戊辰進士第四子
大羣五子大華庚午同捷楚榜大華又解元也是
科長子大年亦中順天副榜第一省齋卽于是冬
擢僉憲幼子大輦又中壬午鄉試

居易錄

標題

王文成紀功碑

七古

摘句

五更風雨窮交淚驛路鶯花故國心

陸寅

字冠周浙江錢塘人康熙二十七年進士有玉照
堂集

冠周高士麗京之子麗京出亡不歸冠周訪父幾

遍宇內終不得幽憂畢生

國朝詩別裁

標題

宣德箭歌

七古

摘句 白日從愁盡青山入夢非

鄭梁

字禹梅號寒村浙江慈谿人康熙二十七年進士官高州知府有寒村集

梁受學於黃宗義嘗謂陳師道年三十一見黃魯直盡焚其藁而學焉梁見宗義時亦三十一故詩文皆以見黃藁爲冠

四庫提要

鄭太守梁以曉行詩得名朱竹垞檢討嘗贈以詩
元孫簡香點以墨迹示余余和之有云別擬建堂
尊二老竹垞經義曉行詩簡香因建堂祀兩先生

余爲二老堂額

定香亭筆談

寒村能左手作畫竹垞贈詩所謂左手雲煙勝畫
師也寒村有句云秋涼籠響哥哥子北方有蟲名

哥哥蔣心餘有詞兩闋極工

聽松廬詩話

摘句 淺水無橋牽馬渡曉星如月照人行

貧劇且須忘此後老來不敢憶從前

沈名孫

字礪房浙江錢塘人康熙二十九年舉人有梵夾集

礪房有蛾術堂文集十卷筆錄十卷史巒八卷冰

脂集四卷

兩浙輶軒錄

摘句 一林紅變楓香樹數畝白開蕎麥花

國朝詩人徵略卷十五